

धिन धरती धिन समराथल रो धाम जी भजन लिरिक्स



धिन धरती धिन समराथल रो धाम जी,
जम्भेश्वर रटियो हरि रो नाम जी,
ऊंचों धोरो ऊजलो जठे जाम्भोजी विराजे जी,
माला फेरी जी विष्णुदेव री।bd।

ओम विष्णु ओम विष्णु,
धुन धोरा पे लगाई जी,
अलख जगाई हरी रे नाम री,
जीवां ने ऊबारण तारण,
आया जग रे माहीं जी,
मार्ग तो मुक्ति रो बतायो जाम्भेजी।bd।

विश्वनोई पंथ चलायो,
उन्नतीस नियम बताया जी,
कृपा करी जी जम्भदेवजी,
उन्नतीस नियम पर जो चाले,
विश्वनोई कहवावे जी,
डोर पकड़ाई हरि रे नाम री।bd।

मुक्ति धाम मुकाम म्हारो,
समराथल रो धाम जी,
स्वर्ग सरीखी भूमि सोवणी,
जाम्भोलाव जम्भसरोवर नहाया,
पाप झड़ जाय जी,
जाम्भोजी पुरे मन री आस जी।bd।

थारोडे भरोसे म्हारी,
नाव गुरूवर जाम्भो जी,
पार करिजो म्हारा देवता,
जोगाराम प्रजापत,
चरणा रो चाकर थारो जी,
प्यारो लागे जम्भेश्वर नाम जी।bd।



धिन धरती धिन समराथल रो धाम जी,
जम्भेश्वर रटियो हरि रो नाम जी,
ऊंचों धोरो ऊजलो जठे जाम्भोजी विराजे जी,
माला फेरी जी विष्णुदेव री।bd।

गायक – जोगाराम प्रजापत ।
हाथीतला बाडमेर ।
9587984999